

**Broj: 01-05-6-01619/2019-3**  
**Sarajevo, 08.05.2019. godine**

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke 01-05-6-01619/2019-2 od 06.05.2019 godine, Direktor Federalne uprave za inspeksijske poslove, u ime ugovornog organa donosi

### **O D L U K U** **o izboru najpovoljnijeg ponuđača i dodjeli ugovora**

#### **Član 1.**

Prihvata se preporuka Komisije za javnu nabavku broj 01-05-6-01619/2019-2 od 06.05.2019 godine, te se ugovor o javnoj nabavci usluga osiguranja od automobilske odgovornosti sa uključenim osiguranjem putnika od nezgode, zelene karte i potpuno kasko osiguranje (lot 1.) motornih vozila Federalne uprave za inspeksijske poslove dodjeljuje ponuđaču „Euroherc osiguranje“ d.d. Sarajevo, koji je nakon provedenog otvorenog postupka uz primjenu e-aukcije ponudio najnižu ukupnu cijenu predmetnih usluga u iznosu od 26.281,88 KM.

#### **Član 2.**

Ugovor sa ponuđačem „Euroherc osiguranje“ d.d. Sarajevo, zaključit će se pod slijedećim uslovima:

- ukupna cijena prihvaćene ponude broj 193931693 od 24.04.2019. godine: 26.281,88 KM;
- rok plaćanja je 30 dana od dana prijema fakture na protokol ugovornog organa u skladu sa budžetskim načinom plaćanja po cijenama ponuđenim u Aneksu 2. Tenderske dokumentacije-Obrazac za cijenu ponude;
- period na koji će se zaključiti ugovor: 1 (jedna) godina dana od dana zaključenja ugovora;
- usluge će se vršiti sukcesivno i po potrebi Ugovornog organa, u mjestu sjedišta ugovornog organa – Sarajevo.

#### **Član 3.**

Po okončanju žalbenog roka ugovorni organ će sa ponuđačem iz člana 1. ove odluke zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

#### **Član 4.**

Ova odluka će se objaviti na web stranici Federalne uprave za inspeksijske poslove.

### **O b r a z l o ž e n j e**

Na osnovu odluke direktora Federalne uprave za inspeksijske poslove broj 01-05-6-01619/2019 od 01.04.2019. godine pokrenut je otvoreni postupak uz primjenu e-aukcije za nabavku usluga osiguranja od automobilske odgovornosti sa uključenim osiguranjem putnika od nezgode, zelene karte i potpuno kasko osiguranje. Predmetna nabavka je utvrđena Planom nabavki roba i usluga uprave za 2019. godinu-usluge redni broj Ia.-lot 1, a procijenjena vrijednost nabavke je 28.000,00 KM

Dana 04.04.2019. godine izvršeno je objavljivanje obavještenja o nabavci na Portalu javnih nabavki, a 05.04.2019. godine u Službenom glasniku BiH broj 26/19, broj obavještenja 1292-1-2-4-3-3/19.

Dana 25.04.2019. godine Komisija za javne nabavke je izvršila otvaranje blagovremeno pristiglih ponuda, o čemu je sačinjen zapisnik o otvaranju ponuda broj 01-05-6-01619/19-1, koji je odmah po provedenoj proceduri

otvaranja ponuđačima otpremljen putem pošte. Na javnom otvaranju ponuda nije bio prisutan predstavnik nijednog od ponuđača koji su dostavili ponude.

U zapisniku sa otvaranja ponuda je utvrđeno da su pšo navedeni ponuđači ponudili tražene robe po cijenama, kako slijedi:

Naziv/ime ponuđača	Ukupna cijena ponude
„Euroherc osiguranje“ d.d. Sarajevo	26.281,88 KM
„Sarajevo osiguranje“ d.d. Sarajevo	43.010,10 KM
„ASA osiguranje“ d.d. Sarajevo	63.944,20 KM

Odmah po završetku postupka javnog otvaranja ponuda komisija je izvršila analizu pristiglih ponuda provjerom sadržaja i validnosti dokumentacije koju se ponuđači dostavili, te je tom prilikom konstatovala da su svi ponuđači dostavili traženu dokumentaciju, odnosno da sa aspekta formalne ispravnosti ponuda ne postoje razlozi za odbacivanje ponude bilo kojeg od ponuđača.

Komisija je nakon utvrđivanja prednjih činjenica na istom sastanku utvrdila termin za e-aukciju, nakon čega je ista i zakazana u skladu sa odredbom člana 4. Pravilnika o uvjetima i načinu korištenja e-aukcije za dan 06.05.2019. godine u 12,00 sati.

Komisija je dana 06.05.2019. godine, nakon provedenog postupka e-aukcije na sastanku izvršila uvid u Izvještaj o toku i završetku e-aukcije, konstatovala je da je e – aukcija trajala od 12,00 do 12,10 sati, te da su ponuđači koji su učestvovali u postupku e-aukcije dali ponude, kako slijedi:

Naziv /ime ponuđača	Početna cijena	Cijena nakon e-aukcije	Rang
Euroherc osiguranje d.d.	26.281,88 KM	26.281,88 KM	I
Sarajevo osiguranje d.d.	43.010,10 KM	43.010,10 KM	II
ASA osiguranje d.d.	63.944,20 KM	63.944,20 KM	III

U izvještaju o toku i završetku e-aukcije je konstатовano da kod e-aukcije nije bilo podnošenja ponuda, odnosno da su ponuđači ostali kod svojih inicijalnih ponuda. Komisija je konstatovala da je ponuda koju je dostavio ponuđač „Euroherc osiguranje“ d.d. Sarajevo sa aspekta cijene prihvatljiva, te da je ista u okviru planiranih sredstava za predmetnu nabavku.

Komisija je slijedom prednjeg sačinila preporuku broj 01-05-6-01619/19-2 od 06.05.2019. godine, koju je dostavila direktoru uprave na razmatranje, a u kojoj se predlaže da se ugovor u skladu sa kriterijem najniža cijena tehnički zadovoljavajuće ponude dodijeli ponuđaču „Euroherc osiguranje“ d.d. Sarajevo, čija ponuda je ocijenjena najpovoljnijim sa ukupnom cijenom od 26.281,88 KM.

Nakon razmatranja dostavljene preporuke Direktor Federalne uprave za inspeksijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

**Pouka o pravnom lijeku:** Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.

Dostaviti:

1. „ASA osiguranje“ d.d. Trg Međunarodnog prijateljstva 25, 71000 Sarajevo
2. „Sarajevo osiguranje“ d.d. Sarajevo, M. Tita 29, 71000 Sarajevo
3. „Euroherc osiguranje“ d.d., Trg Međunarodnog prijateljstva 20, 71000 Sarajevo
4. Sektor za materijalno-finansijske poslove
5. Sektor za tehničku podršku i plansko- analitičke poslove
6. Komsija za javne nabavke (a/a).

**DIREKTOR**

Anis Ajdinović